

NAJON
PRILOG 9

U G O V O R A
O IZVOĐENJU RADOVA
Zaključen dana _____ 2020. Godine

Između ugovornih strana:

1. **GRADA SREBRENİK, Ul. Varoških polja bb, Srebrenik, koju zastupa Gradonačelnik dr. sci. Nihad Omerović (u daljem tekstu: Ugovorni organ), i**
2. **“RUD PROM“ d.o.o. Tuzla, Rudarska 61, koga zastupa direktor Amela Paravlić (u daljem tekstu: Dobavljač).**

Član 1.

PREDMET UGOVORA

Predmet ovog Ugovora je Izvođenje radova dopunskih detaljnih hidrogeoloških istraživanja bunara BGD-11 i BGD -12 rudnika „Mramor“ sa izradom elaborata o klasifikaciji, kategorizaciji i proračunu rezervi podzemnih voda za potrebe vodosnabdijevanja rubnih naselja grada Srebrenik i Grada Tuzla, u skladu sa Dobavljač se obavezuje da radove koji su predmet ovog Ugovora izvrši u skladu sa tenderskom dokumentacijom, po otvorenom postupku broj: 07-1726/20 od 01.09. 2020. godine, objavljenom na Portalu javnih nabavki, obavještenje o nabavci br. 761-1-3-71-3-69/20 od 01.09.2020. godine, i u "Službenom glasniku BiH" broj: od 55/20 od 04.09.2020.godine i ponudom dobavljača broj:669/20 od 15.09. 2020. godine, a što sve čini sastavni dio ovog Ugovora.

Član 2.

UGOVORNA CIJENA

Ukupna Ugovorna cijena za izvođenje predmetnih radova iz člana 1. ovoga Ugovora iznosi

39.738,00 KM (bez uračunatog PDV-ea)

(slovima: tridesetdevethiljadasedamstotinatridesetosam konvertibilnihmaraka) odnosno

46.493,46 KM (sa uračunatim PDV-eom)

(slovima: četrdesetšesthiljadačetiristodevedesetri i 46/100 konvertibilnihmaraka), u vrijeme i na način predviđen ovim ugovorom.

Član 3.

ROK

Ukupan rok za realizaciju radova je 3,5 mjeseca (14 sedmica) od dana potpisivanja ugovora i uvođenja u posao.

Ponudač prihvata dinamički plan iz tehničkih uslova, a koji su u prilogu ove TD.

Ugovorni organ je obavezan uvesti dobavljača u posao u skladu sa ugovornim dokumentima i rokovima izgradnje.

Datum uvođenja ponuđača u posao obavezno konstatuje nadzorni organ upisom u građevinski dnevnik.

Dobavljač je dužan da radove izvrši u skladu sa ugovorenim dinamikom izvođenja radova.

Član 4.

OBIM RADOVA PO UGOVORU

Obim radova po ugovoru obuhvata sve radove koji su predviđeni usvojenim predmjerom radova i u vrijednosti navedenoj u članu 2. ovog ugovora.

U okviru radova po ugovoru sadržani su svi pripremni i pomoćni radovi koje je potrebno izvesti u cilju izvršenja glavnih radova, a čiji troškovi su sadržani u jediničnim cijenama glavnih radova.

Dobavljač se obavezuje da:

- će kod izvođenja radova strogo primjenjivati uslove date u dijelu Tehničke specifikacije iz Tenderske dokumentacije;

- izvrši radove sa stepenom traženog kvaliteta, a prema zahtjevima iz Tenderske dokumentacije;

- će za analizu kvaliteta vode koristiti usluge laboratorije certificirane u skladu sa važećim propisima;

- snosi sve rizike do konačnog izvršenja radova na svim mjestima, u roku koji je propisan Ugovorom;

- odgovara za uredno izvršenje Ugovora prema važećim propisima, štiti prava i interese Ugovornog organa, te ga obavještava o toku realizacije ugovora, i blagovremeno mu ukazuje na eventualne nedostatke u projektno-tehničkoj dokumentaciji;

- završi radove u ugovorenim roku iz Člana 3. ovog Ugovora i

- ispostavi privremene i okončanu situaciju potpisanu od strane nadzornog organa.

Ostale obaveze Dobavljača su:

- da snosi štetu učinjenu trećim licima van trase i lokacije izgradnje objekta definisane projektnom dokumentacijom i tehničkim propisima, kao i štetu nastalu izgradnjom i korištenjem pristupnog puta koja odstupa od dogovorenog pojasa,
- da snosi štetu pričinjenu unutar trase i na lokaciji izgradnje objekta zbog neodgovarajuće tehnologije rada, nepažnje i sl.,
- da snosi štetu učinjenu trećim licima na imovini, nastalu kao posljedica nedovoljno kvalitetno izvedenih radova, oštećenja koja o nije bilo moguće ustanoviti pri primopredaji radova, ili kao posljedica pogrešnog spajanja opreme i vodova,
- da se pridržava svih neophodnih mjera zaštite na radu tokom izvođenja istražnih radova,
- da se pridržava opštih tehničkih propisa koji se odnose na ovu vrstu posla, da vodi građevinski dnevnik i građevinsku knjigu radova,
- da odmah prije uvođenja u posao imenuje odgovorno lice (voditelja građenja) i o tome pismeno obavjesti nadzornog organa i lokalni tim za implementaciju projekta
- da se obavezno pridržava uputa nadzornog organa i sve drugo kako je definisano u tehničkim uslovima za provođenje <<istražnih radova

U slučaju eventualne izmjene vrste i količina radova, **izvođenje dodatnih radova mora odobriti Ugovorni organ, prije početka izvođenja istih, u suprotnom neće se priznati za plaćanje.**

Cijene za izmijenjene količine radova će se utvrđivati u skladu sa odredbama Zakona o obligacionim odnosima

Član 5.

IZMJENA ROKOVA

Ugovorni organ može odložiti početak radova ili bilo koje aktivnosti u sklopu radova, kao i produžiti datum završetka radova, ukoliko za to postoje opravdani razlozi (vremenske prilike, izmjene u tehničkoj dokumentaciji), bez dodatnih troškova, a Dobavljač je dužan uskladiti Dinamički plan sa odobrenim rokovima i isti mora odobriti ugovorni organ.

Ugovorni organ će odlučiti o produženju datuma završetka radova odmah po donošenju pismenog zahtjeva ponuđača sa obrazloženjem i prijedlogom nadzornog organa.

Ako dobavljač ne podnese zahtjev za produženje roka za izvođenje radova ili ga ne podnese blagovremeno, predviđeni datum završetka radova neće se mijenjati.

Član 6.

PLAĆANJE

Plaćanje izabranom ponuđaču, odnosno podugovaraču će se izvršiti na način da će se 50% vrijednosti izvršenih radova uplatiti nakon završetka dopunskih hidrogeoloških istraživanja i dostavljanja revidovanog elaborata sa izvještajem o realizaciji ugovora nadzornog organa i kordinatora, te dostavljanja garancije za garantni rok, a 50% vrijednosti izvršenih radova će se uplatiti u roku od 30 dana od dana završetka radova i dostavljanja garancije za garantni rok.

Član 7.

PENALI (UGOVORNA KAZNA)

U slučaju kašnjenja u izvođenju radova, do kojeg je došlo krivicom dobavljača, odnosno ukoliko isto nije odobreno isti će platiti ugovornu kaznu u skladu sa Zakonom o obligacionim odnosima u iznosu od 0,5 % od cijene iz ugovora za svaki dan kašnjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koja je predmet ugovora. Ugovorni organ će zahtijevati naplatu ugovorne kazne i nastavak izvođenja radova.. Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa ili će se isti iznos naplatiti od ispostavljene situacije (privremene ili okončane) Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Pravo ugovornog organa na naplatu ugovorne kazne ne utiče na pravo ugovornog organa da zahtijeva naknadu štete

Član 8.

POREZI

Dobavljač je dužan da plaća sve poreze, doprinose i takse u skladu sa važećim zakonima i odlukama nadležnih organa.

Član 9.**GRAĐEVINSKI DNEVNIK**

Dobavljač je dužan da vodi detaljan građevinski dnevnik radova i građevinsku knjigu, koju kontrolira i ovjerava nadzorni organ.

Član 10.**KONTROLA KVALITETA**

Dobavljač je dužan koristiti kvalitetne materijale i opremu. Kvalitet materijala i opreme mora biti potvrđen odgovarajućim atestima. Svaki materijal ili oprema za čiji kvalitet Nadzorni organ izrazi sumnju, mora biti isključen sa gradilišta, ili će se uzorci takvog materijala dati na dodatnu kontrolu kvaliteta kod ovlaštene institucije. Troškovi dodatnog ispitivanja materijala padaju na teret Dobavljača.

Član 11.**IZVRŠENJE UGOVORA I GARANTNI ROK**

Dobavljač je dužan u toku izvođenja radova da ispuni sve svoje obaveze po primjedbama nadzornog i ugovornog organa na privremene i okončanu situaciju, u suprotnom mu ugovorni organ neće platiti dio okončane situacije u visini ne izvršenih obaveza.

Dobavljač je dužan postupiti po nalogu nadzornog i ugovornog organa bez obzira koja je vrijednost ne izvršenih obaveza. Takođe ponuđač mora namiriti eventualnu ukupnu štetu ugovornom organu koju je napravio prilikom izvođenja radova u skladu sa odredbama Zakona o obligacionim odnosima, bez obzira koja je vrijednost štete nastala u toku izvođenja radova.

Garantni rok za sve izvedene radove je 2 (dvije) godine od dana prihvatanja okončane situacije od strane ugovornog organa. Bezuslovnu garanciju banke u iznosu od 10% vrijednosti izvršenih radova sa rokom važnosti od dvadeset četiri mjeseca od dana prihvatanja okončane situacije, ponuđač je dužan dostaviti, nakon prihvatanja okončane situacije, u roku do 10 dana, od kada se smatra da je obaveza izvođača izvršena, i od kada teče rok za plaćanje izvršenih radova.

Garantni rok na izvedene radove se mora bezuslovno prihvatiti potpisivanjem izjave u obrascu za ponudu.

Ponuđač je dužan da otkloni sve nedostatke o svom trošku koji se utvrde u garantnom roku bez obzira na vrijednost tih nedostataka. Prije isteka garantnog roka, ugovorni organ formira komisiju na zahtjev izvođača ili samoinicijativno (dva ispred reda investitor i dva ispred izvođača). Komisija dostavlja Izvještaj o stanju objekta Ugovornom organu. Ugovorni organ odlučuje o daljnjem postupanju.

Član 12.**SIGURNOST I OSIGURANJE**

Dobavljač je odgovoran za sigurnost svih aktivnosti na mjestu izvođenja radova.

Od datuma početka radova do momenta izdavanja potvrde o otklanjanju svih nedostataka, dobavljač preuzima sve rizike osobnih povreda, smrti, gubitka ili oštećenja objekata, radova, materijala i angažovane opreme.

Član 13.**KONAČAN OBRAČUN**

Konačan obračun radova nadzorni organ će izvršiti prema ispostavljenim privremenim i okončanoj situaciji i sačiniti izvještaj o istom.

Okončanje radova potvrđuje se Zapisnikom o primopredaji revidovanog Elaborata sa izvještajem o realizaciji ugovora dobavljača i izvještajem nadzornog organa. Prihvaćen elaborat sa izvještajem o izvršenim radovima od strane dobavljača, zajedno sa izvještajem nadzornog organa i izvještajem kordinatora projekta, uz okončanu situaciju sa računom će nadležna služba će dostaviti Gradonačelniku na potpisivanje.

Član 14.**RASKID UGOVORA**

Ugovorni organ može raskinuti ugovor jednostrano na prijedlog nadzornog organa u slijedećim slučajevima:

- ako dobavljač ne otpočne sa izvođenjem radova u roku od 10 dana po uvođenju u posao;
- ako dobavljač prekine izvođenje radova u neprekidnom trajanju od 7 dana, a da o tome nije obavijestio ugovornog organa, niti dobio odobrenje za prekid radova;
- ako dobavljač ne otkloni nedostatke u izvođenju radova u zadatom roku od strane nadzornog organa;

ako dobavljač nije u stanju da izvodi ugovorene radove zbog toga što nije obezbijedio potreban broj izvršioaca, istovremeno nabavio materijal i opremu za rad, te potreban kapacitet sredstava za rad;

- ako dobavljač u toku izvođenja radova kasni sa izvođenjem istih više od 10 dana u odnosu na utvrđeni rok;
- ako nadzorni organ u pisanom obliku uz prilaganje činjenica obavijesti ugovorni organ o nekvalitetnoj gradnji ili ne poštivanju rokova po dinamičkom planu,

Dobavljač može raskinuti ugovor u slijedećim slučajevima:

- ako Ugovorni organ ne izvrši plaćanje odobreno do strane nadzornog organa u ugovorenim rokovima.

Ugovorni organ i dobavljač mogu raskinuti Ugovor i u drugim slučajevima kada druga strana krši odredbe ovog Ugovora.

U slučaju raskida ugovora, dobavljač će prekinuti radove, osigurati mjesto izvođenja radova i odmah ga napustiti.

Član 15.

VIŠA SILA

Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani dobavljač nije mogao uticati niti ih predvidjeti.

Ako je dobavljač prinuđen da radove obustavi zbog više sile (rat, elementarne nepogode itd), na koju ne mogu uticati dobavljač i ugovorni organ, nadzorni organ će izdati potvrdu da je Ugovor prisilno obustavljen.

Dobavljač će prekinuti radove nakon potvrde o obustavljanju radova usred više sile, osigurati mjesto izvođenja radova, a ugovorni organ je dužan da ga isplati za sve radove koji su do tog momenta urađeni.

Član 16.

RJEŠAVANJE SPOROVA

Sve eventualne sporove koji mogu nastati u realizaciji ovog Ugovora, ugovorni organ i dobavljač će prvenstveno rješavati sporazumno.

U slučaju nepostizanja sporazuma, svi sporovi između ugovornog organa i dobavljača u vezi sa ovim Ugovorom, rješavat će se pred nadležnim sudom.

Na sve što ovim ugovorom nije predviđeno, a tiče se prava i obaveza ugovornog organa i dobavljača, primjenivat će se Zakon o obligacionim odnosima, Posebne uzanse o građenju, kao i drugi propisi koji regulišu predmetnu materiju.

Član 17.

SASTAVNI DIJELOVI UGOVORA

Sastavni dijelovi ovog Ugovora su:

tenderska dokumentacija broj: 07-1726/20 od 01.09. 2020. godine i


ponuda dobavljača broj: 669/20 od 15.09.2020. godine.

Član 18.

ZAKLJUČIVANJE UGOVORA

Ugovor se smatra zaključenim kad ga potpišu ugovorne strane.

Ugovor je sačinjen u 4 (četiri) istovjetna primjerka, od kojih dobavljač zadržava dva, a ugovorni organ dva primjerka. Ukoliko ugovor potpiše lice sa ovlaštenjem uz potpisani ugovor ponuđač je dužan dostaviti i ovlaštenje za istog.



Broj: 07-1726/20
20.10.2020. god.